

Poštovani/a,

Zadovoljstvo nam je obavijestiti Vas da Razvojni program Ujedinjenih nacija (UNDP) u Bosni i Hercegovini, u saradnji s Federalnim ministarstvom obrazovanja i nauke (FMON), raspisuje **Javni poziv za finansiranje i sufinansiranje naučno-istraživačkih i istraživačko-razvojnih projekata s aplikativnom primjenom u privredi Federacije Bosne i Hercegovine (FBiH)**. Za ovu priliku osigurana su sredstva u iznosu do **1.000.000,00 KM**.

Opći cilj ovog Javnog poziva je podržati **naučno-istraživačke i istraživačko-razvojne projekte čije ideje i rješenja imaju aplikativnu vrijednost i primjenu u privredi na području FBiH** i koji odgovaraju na potrebe privrede, s ciljem rješavanja određenog praktičnog problema ili izazova. U cilju unapređenja saradnje između naučno-istraživačkih i istraživačko-razvojnih institucija i privrede i podsticanja inovacija u privredi, **svaki projektni prijedlog mora uključiti minimalno jednog partnera iz privrede sa sjedištem na području FBiH**, iz industrija koje su u fokusu Javnog poziva.

Fokus Javnog poziva je na projekte iz **prirodnih nauka, tehničkih nauka, biotehničkih nauka, te biomedicine i zdravstva, koji imaju aplikativnu primjenu u sljedećim industrijama**: IT industrija, automobilska industrija, farmaceutska industrija, biomedicinska i zdravstvena industrija, industrija prerade drveta, industrija prerade metala, poljoprivreda, zaštita i očuvanje okoliša, upravljanje prirodnim resursima, industrija prerade plastike, građevinarstvo, telekomunikacije, tekstilna industrija, energetika i obnovljivi izvori energije, reciklaža i upravljanje otpadom i upravljanje otpadnim vodama i prehrambena industrija.

Pravo učešća imaju sljedeće organizacije sa sjedištem na području FBiH:

- javni i privatni univerziteti,
- javni i privatni naučno-istraživački i istraživačko-razvojni instituti,
- druga pravna lica registrovana za obavljanje naučno-istraživačkog i istraživačko-razvojnog rada (izuzev fakulteta, akademija i drugih organizacionih jedinica visokoškolskih ustanova koji svoje aplikacije podnose isključivo putem matičnih univerziteta).

Minimalan iznos grant sredstava koji se može dodijeliti jednom podnosiocu prijave/projektu iznosi 30.000,00 KM, a maksimalan 50.000,00 KM.

Javni poziv ostaje otvoren od 06.09. do 27.09.2024. godine. Kompletan tekst Javnog poziva je dostupan na web stranici Ministarstva: www.fmon.gov.ba, a prijave se podnose putem online platforme www.javnipoziv.undp.ba.

Ovim putem Vas pozivamo da iskoristite ovu priliku i prijavite svoje projekte!

Realizacija R&D grant šeme je podržana kroz projekt „Boljom upravom do bržeg ekonomskog rasta (EGG2)“, finansiran od strane Vlade Kraljevine Norveške i projekt “Prevođenje Okvira za realizaciju Ciljeva održivog razvoja u BiH u održivi i inkluzivni rast (SDG2BIH)” koji finansira Švedska, a koje implementira Razvojni program Ujedinjenih nacija (UNDP) u Bosni i Hercegovini.